



Kommuneqarfik Sermersooq

Sumiiffinnik Aqquserngillu Taaguutaannik Siunnersuisoqatigiit

Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

Siunnersuisoqatigiit sulinerat

§ 1. Kommuneqarfik Sermersuumi Kommunalbestyrelse Sumiiffiit Aqquserngillu Taaguutaannik Siunnersuisoqatigiilliorpoq (tulliuttuni siunnersuisoqatigiinnik taaneqartut) Kommuneqarfik Sermersuup illoqarfiini sumiiffiit aqquserngillu taaguutissaannik kommunalbestyrelsimut siunnersuusiortartussamik.

Imm. 2. Sumiiffinnik Aqquserngillu Taaguutaannik Siunnersuisoqatigiit siunnersuutaat Kommunalbestyrelsimut najoqqutassiaannaapput.

Imm. 3. Siunnersuisoqatigiit arfinilinnik ilaasortaqaassapput, sinniisussaqaassanatik.

Imm. 4. Aalajangersakkat taakkua nalinginnaasumik oqalunnikkut paasineqarsinnaanngippata, kommunit aqunneqarnerat pillugu inatsisartut inatsisaanni aalajangersakkat ileqqoreqqusami matumani assilillugit atorneqaassapput.

Imm. 5. Nuup avataani taaguutissatut siunnersuutitut tunngatillugu Siunnersuisoqatigiit najukkani ataatsimiittat Tasiilami, Ittoqqortoormiini aammalu Paamiuni peqataatitassavaat.

Siunnersuisoqatigiit siulittaasuat siulittaasullu tullia

§ 2. Siunnersuisoqatigiit nutaamik qinerneqartut piffissap suliffiusussap aallartinnginnerani inissitsiterfiusumik ataatsimiissapput. Sanarfinermut Avatangiisinullu Ingerlatsivik ataatsimiigiaqqusisusassaaq.

Imm. 2. Ilaasortat akornanni siulittaasoq qinerneqassaaq, qinigaaffillu tamaat atuutissalluni § 3, imm. 2 naapertorlugu.

Imm. 3. Inissitsiterfiusumik ataatsimiinnermi siulliullugu Siunnersuisoqatigiit akunnerminni siulittaasup tullianik qinersissapput. Qinersineq siulittaasumit aqunneqassaaq.

Imm. 4. Siulittaasoq sivikitsumik ataatsimeeqataassanngikkaangat siulittaasup tullia ataatsimiinnermi aqutsisusassaaq.

Ilaasortat

§ 3 Sumiiffiit Aqquserngillu Taaguutaannik Siunnersuisoqatigiinni ilaasortat arfinillit Sanarfinermut Avatangiisinullu Ingerlatsivimmit innersuussutigineqartut naapertorlugit Kommuneqarfik Sermersuumi Kommunalbestyrelsimit toqqarneqassapput.

Imm. 2. Ilaasortat Kommunalbestyrelsimit toqqarneqartut ukiuni marlunni atuuttussatut toqqarneqassapput, qinigaaqqittoqarsinnaavorlu.

Imm. 3. Ilaasorta maangaannaq tunuarniarluni kissaateqarpat, tamanna pillugu ilaasorta allakkatigut Sanarfinermut Avatangiisinullu Ingerlatsivimmut piumasaqaateqassaaq.

Siunnersuisoqatigiit ataatsimiittarneri

§ 4. Siunnersuisoqatigiit sulinini ataatsimiinnerni ingerlatissavaat.

Imm. 2. Siunnersuisoqatigiit ataatsimiittamissaminni piffissaq namminneq aalajangersassavaat. Piffissaq sumiiffissarlu sivikinnerpaamik ullunik 14inik sioqqutsisumik nalunaarutigineqassaaq, inissitsiterfiusumillu ataatsimiinnermi siunnersuisoqatigiit ileqquusumik ataatsimiittarnissaminut ukiumoortumik pilersaarut akuersissutigissavaat.

Imm. 3. Pisariaqavissumik ataatsimiinnissanik kinguartitsineq aammalu immikkut ittumik ataatsimiinnerit pisassapput siulittaasup pisariaqartikkaangagu, imaluunniit ikinnerpaamik ilaasortat pingajorarterutaasa tamanna piumasarigaangassuk. Siulittaasup aalajangertassavaa immikkut ittumik ataatsimiinnissat qaqugu sumilu pinissaat.

Imm. 4. Ilaasorta Siunnersuisoqatigiit ataatsimiinnerini ataatsimeeqataasinnaanngippat, tamanna pineqartut sapinngisamik piaartumik ataatsimiinnissaq sioqqullugu Siunnersuisoqatigiit allattaanut nalunaarutigissavaa.

Imm. 5. Siunnersuisoqatigiit ataatsimiinneri aallaaviatigut matoqqasususarput.

Imm. 6. Siunnersuisoqatigiit suliani isumaqatigiinniarnerni Kommuneqarfik Sermersuumi sulisut peqataasinnaaneri akuerisinnaavai. Sanarfinermut Avatangiisinullu Ingerlatsivik siunnersuisoqatigiit ataatsimiinnerini sulisumik ataatsimik peqataatitsisarnissaminut piginnaatitaaffeqarpoq.

Imm. 7. Siunnersuisoqatigiit najukkanimilu ataatsimiittat pisariaqartitsisoqartillugu immikkut ilisimannittunik aggersaasinnaatitaapput.

Oqaluuserisassat suliallu saqqummiunnegarneri

§ 5. Siunnersuisoqatigiit siulittaasuata Sanarfinermut Avatangiisinullu Ingerlatsivimmit ikiorneqarluni ataatsimiinnerni oqaluuserisassat ilaasortanillu ataatsimiigiaqqusineq suliarisassavai. Ileqquusumik ataatsimiinnissanut oqaluuserisassat aammalu suliat suliarineqarnissaannut paasissutissat pisariaqartut sapinngisamik Siunnersuisoqatigiinnut ilaasortanut ataatsimiinnissaq kingusinnerpaamik ullut unnuallu pingasut sioqqullugit nassiunneqassapput.

Imm. 2. Immikkut ittumik ataatsimiinnissamut ataatsimiigjaqqusinnermi siulittaasoq suliassanik ataatsimiinnermi sularineqartussanik sapinngisamik annertunerpaamik ilaasortanut ilisimatitsissuteqassaaq.

Imm. 3. Ilaasortaq kinaluunniit ataatsimiinnerup aallartinnerani ullormut oqaluuserisassani oqaaseqarumasinnaavoq.

Imm. 4. Suliassaq oqaluuserisassanut nassiunneqartunut ilanngunneqarsimanngitsaq, sularineqarsinnaanngilaq, tamatumingna isumaqatigiissuteqartoqarsimatinnagu, sularlu kinguartinneqarsinnaanngippat.

Imm. 5. Suliat, ataatsimiititamut saqqummiunneqannginneranni naammattumik erseqqissarneqarsimanersut, siulittaasup nakkutigissavaa.

Aalajangiisinnaatitaaneq, ataatsimiinnermik aqutsineq suliallu saqqummiunneqartarneri

§ 6. Ilaasortat ikinnerpaamik affaat najuuppata, siunnersuisoqatigiit aalajangiisinnaatitaapput. Aalajangiinerit tamarmik amerlanerussuteqarnikkut pisassapput, (aqutsinnermik inatsimmi § 28, imm 1imi tunngavigneqartoq naapertorlugu)

Imm. 2. Siulittaasup siunnersuisoqatigiit ataatsimiinneri aqussavai. Siulittaasup peqannginnerani ataatsimiinneq siulittaasup tullianit aqunneqassaaq, taamaanngippallu Siunnersuisoqatigiinni ilaasortap Siunnersuisoqatigiinnut sivilunerpaamik ilaasortaasimasup ataatsimiinneq aqussavaa, imaluunniit, arlaqartut sivilisoqatigiimmik ilaasortaasimappata, taakkunanga angajulliup ataatsimiinneq aqussavaa. Ataatsimiinnermi aqutsisup isumaqatiginninnermi apeqqutit tamaasa aalajangiiffigissavai. Ilaasortaq kinaluunniit ataatsimiinnermi aqutsisup suleriaatsimi aalajangersakkanik paasinnissinnaaneq tunngavigalugu aalajangiineranik malinnissinnaatitaagallarpoq.

Imm. 3. Suliat siulittaasup tulleriaarinissamik aalajangiinera naapertorlugu sularineqassapput, taamaasillunilu oqaluuserisassani tulleriaarisimaneq sanioqutsissinnaallugu. Kisianni, Siunnersuisoqatigiinni ilaasortap ataatsip kissaatigippagu, suliat qanoq tulleriaarneqarlutik sularineqassanersut, ataatsimiitap aalajangissavaa.

Imm. 4. Siulittaasup Sanarfinermut Avatangiisinnullu Ingerlatsivik ikiortigalugu immikkoortut taasissutigineqartussat oqaasertalersussavai.

Imm. 5. Ilaasortaq kinaluunniit Siunnersuisoqatigiinni siulittaasup sulinera pillugu apeqquteqarsinnaatitaavoq, siulittaasullu Siunnersuisoqatigiit paaserusutaat nalunaarutigissavai. Siulittaasoq sutigut tamatigut Siunnersuisoqatigiit aalajangersimasaanik naapertuisusaatitaavoq.

Imm. 6. Ilaasortap Siunnersuisoqatigiinni siulittaasoq ilisimatittassavaa pissutissaqarpat sulianaalajangersimasuni suleqataasinnaanermi apeqqutinngortitsisinnaasunik. Sulianik sularinnitarneq pillugu inatsimmi § 3 naapertorlugu Siunnersuisoqatigiinni aalajangerneqartassaaq ilaasortaq imatut soqutigisaqarnerisq, ilaasortaq Siunnersuisoqatigiit sularinik sularinninnerani peqataasinnaannginnerisq imaluunniit peqataasinnaanersq. Taama ittoqartillugu pineqartoq suliaq pillugu isumaqatigiinninnermi taasinermilu ataatsimiiffimmiit anissaaq taamaattorli suliap pineqartup eqqartorneqarnerani ilaasortaq anissanersq pillugu Siunnersuisoqatigiit isumaqatigiinninnerani taasineranilu peqataasinnaalluni.

Imm. 7. Ilaasortat sinniisussallu Siunnersuisoqatigiinni taasinerni aatsaat peqataasinnaapput, najuullutik ataatsimeeqataagunik imaluunniit tele attaveqaatit ikiorsiullugit ataatsimeeqataagunik, aqutsinermut inatsimmi § 28, imm 1 naapertorlugu.

Aalajangiinermut imaqarniliaq

§ 7. Siulittaasup akisussaaffigivaa, Siunnersuisoqatigiinni aalajangernerit aalajangiinermut imaqarniliamut allanneqarnissaat, aqutsinermut inatsimmi § 28, imm. 3 naapertorlugu.

Imaqarniliatut siunnersuut ataatsimiinnerup kingorna ullut qulit qaangiutsinnagit ilaasortanut nassiunneqartassaaq. Imaqarniliatut siunnersuut ataatsimiinnermi tullermi oqaluuserineqarlunilu akuerineqartassaaq.

Ilaasortaq ataaseq ataatsimiinneq tamakkerlugu ataatsimeeqataasimanngippat, imaqarniliamut allanneqassaaq, immikkoortuni sorlorni ataatsimeeqataasimannginnersoq, piffissallu qanoq ilinerani ataatsimeeqataasimannginnersoq.

Ilaasortaq kinaluunniit allatut isumaqaruni imaqarniliamut allattaavimmut allaanerusumik isummaminik allaqqusisinnaatitaavoq. Ilaasortap nammineerluni tapiliukkumasani oqaasertalissavaa.

Imm. 2. Ilaasortaq taasisimanini allamilluunniit peqquteqarnini innersuussutigalugu, aalajangernerimut imaqarniliami atsiorumangissinnaanngilaq.

Imm. 3. Siulittaasup aalajangernernut imaqarniliap toqqorneqarnissaa qulakkiissavaa, ataatsimiinnerlu naammassereerpat piaarnerpaamik Siunnersuisoqatigiinni ilaasortat sinnerinut aammalu imaqarniliamik tunineqartussaataasunut assinganik nassiussinissaq qulakkiissallugu.

Nipangiussisussaataaneq

§ 8. Siunnersuisoqatigiinni ilaasortat nipangiussisussaataapput, tamanna pillugu inatsimmi malittarisassat naapertorlugit.

Imm. 2. Siunnersuisoqatigiit ataatsimiinneri matoqqasuupput, eqqartorneqartullu allamut ingerlateqqitassaangitsutut isigineqarput. Siunnersuisoqatigiit aalajangernerit tamanut nalunaarutigineqarsinnaapput, kisianni paasissutissat nipangiussisussaataaneermut tunngasut pinnagit.

Imm. 3. Ilaasortaq kinaluunniit paasissutissiisinnaatitaavoq, nammineq qanoq oqaaseqarsimanerminik taasisimanerminillu, nipangiussisussaataaneermut tunngasut kisiisa pinnagit.

Siunnersuisoqatigiit aalajangernerinik suliaqarneq

§ 9. Siulittaasup nakkutigissavaa, suliata arlaannaalluunniit pisariaqanngitsumik kinguarsarneqassanngitsut.

Imm. 2. Siunnersuisoqatigiit aalajangiinissamut amerlanerussuteqarnikkut isumaqatigiissinnaanngikkunik, tamanna imaqarniliamut allanneqassaaq, siulittaasullu suliaq Kommunalbestyrelsimut aalajangigassanngortissavaa.

Atuutilersinnera

§10. Ileqqoreqqusaq una atuutilerpoq ulloq

Kommunalbestyrelsip ulloq 26. Januaari 2021imi ataatsimiinnerani inaarutaasumik akuersissutigineqarpoq.



Kommunalbestyrelse sinnertugu
Charlotte Ludvigsen
Borgmesteri